

Natal !

Quanti ormai n'ho vedu passà

A vess 'rivà a 'sta bel' età !

Ma per mi, ve l'assicuri,

Natal l'è semper 'na noità.

No tant per i regaj o i auguri :

Se finiss mai de sta l'ì incantà

Dinanz al presepi, a quel gran misteri

Che a chela Tosa gh'è capità :

De met al mond, in sto cimiteri,

La Vita stessa che l'ha creà.

“El Ciel l'è 'gnu giò dent d'ona stanza,,

Insci diseva 'na bela canzon

Quand de 'mozionass s'erom ammò bon.

Voress el Ciel g'avessom dent

Quand se faremm i auguri brasciandos su

Tra parent e amis o scognusu

In fond al coeur on sentiment :

Come Te voeri ben, me car Gesù !

*Don Arnaldo*